

Bosna i Hercegovina
Federacija Bosne i Hercegovine
Tuzlanski kanton
Općina Banovići
Služba za privredu, planiranje i lokalni razvoj
Broj: 06-45-2455-1/22
Dana: 07.09.2022. godine

Obavještenje o obavezi usklađivanja obrtničkog poslovanja u skladu sa novim Zakonom o obrtu i srodnim djelatnostima u Federaciji Bosne i Hercegovine ("Službene novine Federacija Bosne i Hercegovine" broj 75/21)

Ovim putem obavještavamo sve obrtnike i lica koja obavljaju srodne djelatnosti o obavezi usklađivanja poslovanja sa novim Zakonom o obrtu i srodnim djelatnostima u Federaciji Bosne i Hercegovine ("Službene novine Federacija Bosne i Hercegovine" broj 75/21) shodno članu 82. navedenog zakona, a koji imaju sjedište obrta ili srodne djelatnosti na području općine Banovići.

Član 82. Zakona o obrtu i srodnim djelatnostima u Federaciji Bosne i Hercegovine ("Službene novine Federacija Bosne i Hercegovine" broj 75/21) glasi:

- (1) Obrtnici i osobe koje obavljaju srodne djelatnosti, a kojima je obavljanje djelatnosti odobreno prema ranijim propisima, uskladit će svoje poslovanje s odredbama ovog Zakona u roku od godinu dana od dana stupanja na snagu ovog Zakona.
- (2) Nadležno tijelo prema sjedištu obrta ili srodne djelatnosti po službenoj dužnosti obavješćuje obrtnike i osobe koje obavljaju srodne djelatnosti o obvezi i rokovima usklađivanja poslovanja s ovim Zakonom, kao i o potrebnoj dokumentaciji za usklađivanje.
- (3) Obrtnici i osobe koje obavljaju srodne djelatnosti, koji su prema prijašnjim propisima osnovali radnju, mogu nastaviti s poslovanjem i ako ne ispunjavaju uvjete iz člana 6. stav (1) ovog Zakona.
- (4) Obrtnici i osobe koje obavljaju srodne djelatnosti, koji su prema prijašnjim propisima osnovali radnju putem radnika, mogu nastaviti sa poslovanjem, ako i dalje imaju radnika u skladu sa odredbama ovog Zakona.
- (5) Obrtnici i osobe koje obavljaju srodne djelatnosti, koji su prema prijašnjim propisima stekli odgovarajuću stručnu spremu, mogu obavljati obrte ili srodne djelatnosti utvrđene ovim Zakonom ako im je do dana stupanja na snagu ovog Zakona odobreno obavljanje djelatnosti.
- (6) Obrtnicima koji su majstorski ispit položili u skladu s propisima koji su važili do dana stupanja na snagu ovog Zakona, isti se priznaje u cijelosti.

Obrtnici i lica koja obavljaju srodne djelatnosti obavezni su uskladiti svoje poslovanje sa novim Zakonom **do 30.09.2022. godine.**

Sve potrebne informacije u vezi usklađivanja poslovanja sa novim Zakonom o obrtu i srodnim djelatnostima u Federaciji Bosne i Hercegovine ("Službene novine Federacija Bosne i Hercegovine" broj 75/21) mogu se dobiti u Službi za privredu, planiranje i lokalni razvoj, putem kontakt telefona broj: 035/743-446.

Dostavljeno:
1x Oglasna ploča
1x Radio Banovići.
1x a/a



POMOĆNIK NAČELNIKA ZA PRIVREDU,
PLANIRANJE I LOKALNI RAZVOJ

Mrkonjić Amir, dipl. ing.